

唐

音

統

籤

丙籤五十九李白之七

唐音統籤卷

一百五十七

五言古詩二

擬古十二首

青天何歷歷明星白如石黃姑與織女相去不盈尺銀河無鵲橋非時將安適閨人理統素遊子悲行役瓶水知冬寒霜露欺遠客客似秋葉飛飄飄不言歸別後羅帶長愁寬去時衣乘月託宵夢因之寄金徽

高樓入青天下有白玉堂明月看欲墮當窓懸清光
遙夜一美人羅衣沾秋霜含情弄素瑟彈作陌

上桑絃聲何激烈風卷遶飛梁行人皆躑躅樓鳥
去迴翔但寫妾意苦莫辭此曲傷願逢同心者飛
作紫鴛鴦

長繩難繫日自古其悲辛黃金高北斗不惜買陽
春石火無留光還如世中人卽事已如夢後來我
誰身提壺莫辭貧取酒會四鄰仙人殊恍惚未若
醉中真

清都綠玉樹灼爍瑤臺春攀花弄秀色遠贈天仙
人香風送紫葢直到扶桑津取掇世上豔所貴心
之珍相思傳一笑聊欲示情親

今日風日好明日恐不如春風笑於人何乃愁自
居吹簫舞彩鳳酌醴鱸神魚千金買一醉取樂不
求餘達士遺天地東山有二疏愚夫同瓦石有才
知卷舒無事坐悲苦塊然涸轍魚

運速天地閉胡風結飛霜百草死冬月六龍頽西
荒太白出東方彗星揚精光鴛鴦非越鳥何爲眷
南翔惟昔鷹將犬今爲侯與王得水成蛟龍爭池
奪鳳凰北斗不酌酒南箕空簸揚

世路今太行迴車竟何託萬族皆凋枯遂無少可
樂曠野多白骨幽覓共銷鑠榮貴當及時春華宜

照灼人非崑山玉安得長
璀璨錯身沒期不朽榮名
在麟閣

月色不可掃容愁不可道
玉露生秋衣流螢飛百
草日月終銷毀天地同枯
槁蟪蛄啼啞松安見此
樹老金丹寧誤俗昧者難
精討爾非千歲翁
去世早飲酒入玉壺藏身以爲寶

生者爲過客死者爲歸人
天地一逆旅同悲萬古
塵月兔空擣藥扶桑已成
薪白骨寂無言青松豈
知春前後更歎息浮榮何足珍

僊人騎彩鳳昨下閩風岑
海水三清淺桃源一見

尋遺我綠玉杯兼之紫瓊琴杯以傾美酒琴以閑
素心二物非世有何論珠與金琴彈松裏風杯勸
天上月風月長相知世人何倏忽

涉江弄秋水愛此荷花鮮攀荷弄其珠蕩漾不成

圓佳人綵雲裏欲贈隔遠天相思無因見悵望涼

風前

又折荷有贈云涉江翫秋水愛此紅葉鮮攀荷弄其珠蕩漾不成圓佳期綵雲重欲贈隔

遠天相思無由見悵望涼風前與此小異今附于此

去去復去去辭君還憶君漢水旣殊流楚山亦此
分人生難稱意豈得長爲群越燕喜海自燕鳩思
朔雲別久榮華晚琅玕不能飯日落知天昏夢長

唐音新集
覺道遠望夫登高山化石竟不返

擬古

融融白玉輝映我青蛾眉寶鏡似空水落花如風
吹出門望帝子蕩漾不可期安得黃鶴羽一報佳
人知

效古二首

朝入天苑中謁帝蓬萊宮青山映輦道碧樹搖烟
空謬題金閨籍得與銀臺通待詔奉明主抽毫頌
清風歸時落花晚蹀躞浮雲聽人馬本無意飛馳
自豪雄入門紫鴛鴦金井雙梧桐清歌絃古曲美

酒沾新豐快意且爲樂列筵坐群公光景不可留
生世如轉蓬早達勝晚遇羞比垂釣翁

自古有秀色西施與東隣蛾眉不可妬况乃效其
擢所以尹婕妤羞見邢夫人低頭不出氣塞默少
精神寄語無鹽子如君何足珍

古意

君爲女蘿草妾作兔絲花輕條不自引爲逐春風
斜百丈託遠松纏綿成一家誰言會面易各在青
山崖女蘿發馨香兔絲斷人腸枝枝相糾結葉葉
競飄揚生子不知根因誰其芥蒂中巢雙翡翠上

宿紫駕鸞若識二草心海潮亦可量

感興六首

集本八首內二首與古風大同前已附注不重錄

瑶姬天帝女精彩化朝雲宛轉入宵夢無心向楚君錦衾抱秋月綺席空蘭芬茫昧竟誰測虛傳宋

玉文

洛浦有宓妃飄飄雪爭飛輕雲拂素月了可見清輝解珮欲西去含情詎相違香塵動羅襪綠水不沾衣陳玉徒作賦神女豈同歸好色傷大雅多為世所譏

裂素持作書將寄萬里懷眷眷待遠信竟歲無人

來征鴻務隨陽又不爲我棲委之在深篋蠹魚壞
其題何如投水中流落他人開不惜他人開但恐
生是非

十五遊神仙仙遊未曾歇吹笙吟松風汎瑟窺海
月西山玉童子使我鍊金骨欲逐黃鶴飛相呼向
蓬闕

四國有美女結樓青雲端蛾眉艷曉月一笑傾城
歡高節不可奪炯心如凝丹常恐彩色晚不爲人
所觀安得配君子共乘雙飛鸞

嘉穀隱豐草草深苗且稀農夫旣不易孤穗將安

歸常恐委疇隴忽與秋蓬飛惡得薦宗廟爲君生
光輝

感遇四首

吾愛王子晉得道伊洛濱金骨既不毀玉顏長自
春可憐浮丘公倚靡與情親舉手白日間分明謝
時人二仙去已遠夢想空殷勤

可歎東籬菊莖踈葉且微雖言異蘭蕙亦自有芳
菲未泛盈樽酒徒沾清露輝當榮君不采飄落欲
何依

昔余聞姮娥竊藥駐雲髮不自嬌玉顏方希鍊金

骨飛去身莫返
含笑坐明月
紫宮誇蛾眉
隨手會
凋歇

宋玉事楚王
立身本高潔
巫山賦彩雲
郢路歌白
雪舉國莫能
和巴人皆卷
舌一感登徒
言恩情遂
中絕

寓言三首

周公負斧戾成王
何夔夔武王昔不
豫剪爪投河
淵賢聖遇讒慝
不免人君疑
天風拔大木
禾黍咸
傷萎管蔡扇蒼
蠅公賦鴟鴞詩
金縢若不啟
忠信
誰明之

搖齋雙彩鳳婉變三青禽
往還瑤臺裏鳴舞玉山
岑以歡秦娥意復得王母心
區區精衛鳥銜木空

哀吟

秦娥弄玉也

長安春色歸先入青門道
綠楊不自持從風欲傾
倒海燕還秦宮雙飛入
簾櫳相思不相見托夢遶
城東

商山四皓

白髮四老人昂藏南山側
偃蹇松雪間冥翳不可
識雲窓拂青靄石壁橫
翠色龍虎方戰爭于焉自
休息秦人失金鏡漢祖昇
紫極陰虹濁太陽前星

遂淪匿一行佐明兩條起生羽翼功成身不居舒
卷在胃臆窅冥合元化芒昧信難測飛聲塞天衢
萬古仰遺跡

蘇武

蘇武在匈奴十年持漢節白鴈上林飛空傳一書
札牧羊邊地苦落日歸心絕渴飲月窟冰饑餐天
上雪東還沙塞遠北愴河梁別泣把李陵衣相看
淚成血

王右軍

右軍本清真庾亮號語瀟灑在風塵山陰過羽客愛此

好驚賓掃素寫道經筆精妙入神書罷籠鷺去何
曾別主人

上元夫人

上元誰夫人偏得王母嬌嗟峨三角髻餘髮散垂
腰裘披青毛錦身着赤霜袍手提羸女兒閑與鳳

吹簫眉語兩自笑忽然隨風飄

漢武內傳上元夫人得道總統真籍

亞于龜臺金母元封元年七月七日夜西王母降于漢宮命侍女邀夫人同宴夫人服青霜袍頭作三角髻餘髮散垂至腰帶九雲夜光冠佩太山火王

西施

西施越谿女出自苧蘿山秀色掩今古荷花羞玉

顏澆紗弄碧水目與清波閑皓齒信難開沈吟碧
雲間句踐徵絕豔揚蛾入吳關提攜館娃宮杳渺
詎可攀一破夫差國千秋竟不還

雜詩

白日與明月晝夜尚不閑况爾悠悠人安得久世
間傳聞海水上乃有蓬萊山玉樹生綠葉靈仙每
登攀一食駐玄髮再食留紅顏吾欲從此去去去
無時還

懼讒

二桃殺三士詎假劍如霜衆女妬娥眉雙花競春

芳魏姝信鄭袖掩袂對懷王一惑巧言子朱
損傷行將泣團扇戚戚愁人腸

失題

此詠古或感興詩也舊本題作紀南陵題五松山詩誤

聖達有去就潛光愚其德魚與龍同池龍去魚不
測當時版築輩豈知傳說情一朝和殷羹光氣爲
列星伊尹生空桑捐庖佐皇極桐宮放太甲攝政
無愧色三年帝道明委質終輔翼曠哉至人心萬
古可爲則時命或大謬仲尼將柰何鸞鳳忽覆巢
麒麟不來過龜山蔽魯國有芥且無柯歸來歸去
來宵濟越洪波

學古思邊

街巷上隴首腸斷不見君
流水若有情幽哀從此
分蒼茫愁邊色惆悵落日曛
山外接遠天天際復
有雲白鴈從中來飛鳴苦難聞
足繫一書札寄言
難離群離群心斷絕十見花成雪
胡地無春暉
人行不歸相思杳如夢珠淚濕羅衣

閨情

流水去絕國浮雲辭故關
水或戀前浦雲猶歸舊
山恨君龍沙去棄妾漁陽間
玉筍日夜流雙雙落
朱顏黃鳥坐相悲綠楊誰更攀
織錦心草草挑燈

淚斑斑窺鏡不自識况乃狂夫還

春思

郭茂倩梅禹金收春思及秋思入樂府殊屬牽合今並入各體詩內

燕草如碧絲秦桑低綠枝當君懷歸日是妾斷腸
時春風不相識何事入羅幃

秋思

春陽如昨日碧樹鳴黃鸝蕪然蕙草暮颯爾涼風
吹天秋木葉下月冷莎雞悲坐愁群芳歇白露凋
華滋

代秋情

幾日相別離門前生穉葵寒蟬聒梧桐日夕長鳴

悲白露濕螢火清霜凌兔絲空掩紫羅袂

一作空
閨掩羅

袂
長啼無盡時

代美人愁鏡

明明金鵲鏡了了玉臺前拂拭交冰月光輝何清
圓紅顏老昨日白髮多去年鉛粉坐相誤照來空
悽然

丙籤五十九李白之八

唐音統籤卷

一百五十八

五言古詩三

九日

今日雲景好水綠秋山明
搗壺酌流霞舉菊泛寒
榮地遶松石古風揚絃管清
窺觴照歡顏獨笑還
自傾落帽醉山月空歌懷友生

獨酌

春草如有意羅生玉堂陰
涼風吹愁來白髮坐相
侵獨酌勸孤影閑歌向芳林
長松爾何知蕭瑟爲
誰吟手舞石上月騰橫
花間琴過此一壺外悠悠

非我心

月下獨酌三首

花間

一作下

一壺酒獨酌無相親舉杯邀明月對影

成三人月既不解飲影徒隨我身暫伴月將影行

樂須及春我歌月徘徊我舞影凌亂醒時同交歡

醉後各分散永結無情遊相期邈雲漢

一作相期
碧巖畔

舉事又歡一首云天若不愛酒酒星不在天地若不愛酒地應無酒泉天地無愛酒愛酒不愧天已

開清比壘復道濁如賢賢聖既已飲何必求神仙
三杯通大道一斗合自然但得酒中起勿爲醒者

得按此乃馬子才詩也胡元瑞云近
李李墨跡爲証詩可僞筆不可僞耶

三月咸陽城千花盡如錦

一作好鳥吟清
風落花散如錦誰能春

獨愁對此徑須飲窮通與修短造化夙所稟一樽
齊死生萬事固難審醉後失天地兀然就孤枕不
知有吾身此樂最爲甚

窮愁千萬

一作有千

端美酒三百

一作唯數

杯愁多酒雖少

酒傾愁不來所以知酒聖酒酣心自開醉粟卧首

陽

一作伯夷

屢空饑顏回當代不樂飲虛名安用哉

齧卽金液糟丘是蓬萊且須飲美酒乘月醉高臺

春日獨酌二首

東風扇淑氣水木榮春暉白日照綠草落花散且
飛孤雲還空山衆鳥各已歸彼物皆有託吾生獨

無依對此石上月長歌醉芳菲

我有紫霞想緬懷滄洲間且對一壺酒澹然萬事
閑橫琴倚高松把酒望遠山長空去鳥沒落日孤
雲還但恐光景晚宿昔成秋顏

待酒不至

玉壺繫青絲沽酒來何遲山花向我笑正好銜杯
時晚酌東軒下流鶯復在茲春風與醉客今日乃
相宜

春日醉起言志

處世若大夢胡爲勞其生所以終日醉頽然卧前

盤覺來眇庭前一鳥花間鳴借問此何時春風語
流鶯感之欲歎息對酒還自傾浩歌待明月曲盡
已忘情

劉云流麗酣暢欲勝淵明者以其
尤易也詩皆如此何以沉著爲哉

冬夜醉宿龍門覺起言志

醉來脫寶劍旅憩高堂眠中夜忽驚覺起立明燈
前開軒聊直望曉雪河水壯哀哀歌苦寒鬱鬱獨
惆悵傳說版築臣李斯鷹犬以歟起臣社稷寧復
長艱辛而我胡爲者歎息龍門下富貴未可期
憂向誰寫去去淚滿襟聲聲梁甫吟青雲當自致
何必求知音

覽鏡書懷

得道無古今失道還衰老自笑鏡中人白髮如霜
草猶心空歎息問影何枯槁桃李竟何言終成南
山皓

日夕山中忽然有懷

久卧青山雲遂爲青山客山深雲更好賞弄終日
夕月銜樓間峯泉漱階下石素心自此得真趣非
外惜颺啼桂方秋風滅籟歸寂緬思洪崖術欲往
滄海隔雲車來何遲撫已空歎息

落日憶山中

雨後煙景綠晴天散餘霞東風隨春歸繁我枝上
花花落時欲暮見此令人嗟願遊名山去學道飛
丹砂

望月有懷

清泉映踈松不知幾千古寒月搖輕波流光入窻
戶對此空長吟思君意何深無因見安道興盡愁
人心

秋夕書懷

一作秋日
南遊書懷

北風吹海鴈南度落寒聲感此瀟湘客淒其流浪
情海懷結滄洲霞想遊赤城始採蓬壺事

一作
術旋

覺天地輕澹然吟高秋閑卧瞻太清蘿月隱

一作掩

空幕松霜皓前楹

皓一作結

滅凡息群動獵徹窮至精

桃花有源水可以保吾生

江南春懷

青春幾何時黃鳥鳴不歇天涯失歸路江外老華
髮心飛秦塞雲影滯楚關月身世殊爛熳田園久
蕪沒歲晏何所從長歌謝金闕

秋夕旅懷

涼風度秋海吹我鄉思飛連山去無際流水何時
歸目極浮雲色心斷明月輝芳草歇柔豔白露催

寒衣夢長銀漢落覺罷天星稀含悲想舊國泣下
誰能揮

越中秋懷

越水遶碧山周廻數千里乃是天鏡中分明畫相
似愛此從冥搜永懷林滯幽一爲滄波客十見紅
顏伏觀濤壯天險聖海令人愁路遐迫西照歲晚
悲東流何必探禹穴迹將歸蓬丘不然五湖上亦

扁舟

一本首四句云蹈海思仲連遊山慕
康樂攀雲窮千峯弄水涉萬壑下同

江上秋懷

餐霞卧舊壑散髮謝遠遊山蟬號枯桑始復知天

鴈別海裔越燕醉江樓
颯颯風卷沙萍萍霧縈洲
黃雲結暮色白水揚寒流
惻愴心自悲潺湲淚難收
蘅蘭方蕭瑟長歎令人愁

郢門秋懷

郢門一爲客巴月三成弦
朔風正搖落行子愁歸旋
杳杳山外日茫茫江上天
人迷洞庭水鴈度瀟湘
煙清曠諸宿好緇磷及此
年百齡何蕩漾萬化相推
遷空謁蒼梧帝徒尋溟海
仙已聞蓬海淺豈見桃三
圓倚劍增浩歎捫襟還自
憐終當遊五湖濯足滄浪
泉

尋陽紫極宮感秋作

何處聞秋聲
條條北窓竹
迥薄萬古心
攬之不盈掬
靜坐觀衆妙
浩然媚幽獨
白雲南山來
就我簷下宿
嬾從唐生決
羞訪季主卜
四十九年非
一往不可復
野情轉蕭散
世道有翻覆
陶令歸去來
田家酒應熟

廬山東林寺夜懷

我尋青蓮宇
獨往謝城闕
霜清東林鐘
水白虎谿
天香生虛空
天樂鳴不歇
晏坐寂不動
大千入毫髮
湛然冥真心
曠劫斷出沒

春滯沅湘有懷山中

沅湘春色還風煖煙草綠古之傷心人於此腸斷
續予非懷沙客但美采菱曲所願歸東山寸心於
此足

荊州賊平臨洞庭言懷作

修蛇橫洞庭吞象臨江島積骨成巴陵遺言聞楚
老水窮三苗國地窄三湘道歲晏天崢嶸時危人
枯槁思歸阻喪亂去國傷懷抱郢路方丘墟章華
亦傾倒風悲猿嘯苦木落鴻飛早日隱西赤沙月
明東城草關河望已絕氛霧行當掃長叫天可聞

吾將問蒼昊

春歸終南山松龕舊隱

我來南山陽事事不異昔却尋谿中水還望巖下
石薈薇綠東窓女蘿遶北壁別來能幾日草木長
數尺且復命酒樽獨酌陶未夕

避地司空原言懷

南風昔不競豪聖思經綸劉琨與祖逖起舞鷄鳴
晨雖有匡濟心終爲樂禍人我則異於是潛光皖
水濱卜築司空原北將天柱鄰雪霽萬里月雲開
九江春俟平泰階平然後託微身傾家事金鼎年

唐音新集
貌可長新所願得此道終然保清真弄景奔日馭
攀星戲河津一隨王喬去長年玉天賓

南奔書懷

一作自丹陽
南奔道中作

遙夜何漫漫

一作何時旦

空歌白石爛
奔戚未匡齊
陳

平終佐漢攬槍掃河洛直割鴻溝半
歷數方未遷

雲雷屢多難
天人乘旄鉞
虎竹光藩翰
侍筆黃金

臺傳觴青玉案
不因秋風起
自有思歸歎
主將動

讒疑王師怒
離叛自來白
沙上

一作兵羅
滄海上

鼓謀丹

陽岸賓御如浮雲
從風各消散
舟中指可掬
城上

骸爭爨草草出近
關行行昧前
筭南奔劇星
火北

寇無涯畔顧乏七寶鞭留連道傍翫太白夜食鼎
長虹日中貫秦趙與天兵茫茫九州亂感遇明主
恩頗高祖逃言過江誓流水志在清中原拔劍擊
前柱悲歌難重論

憶秋浦桃花舊遊時竄夜郎

桃花春水生白石今出沒搖蕩女蘿枝半搖青天
月不知舊行徑初拳幾枝蕨三載夜郎還於茲鍊
金骨

放後遇恩不露

天作雲與雷霈然德澤開東風日本至白雉越裳

來獨棄長沙國三年未許回何時入宣室更問賈
生才

友人會宿

滌蕩千古愁留連百壺飲良宵宜清談皓月未能
寢醉來卧空山天地卽衾枕

朝下過盧郎中叙舊遊

君登金華省我入銀臺門幸逢聖明主俱承雲雨
恩復此休浣時閑爲疇昔言却話山海事宛然林
壑存明湖思曉月疊嶂憶清猿何由返初服田野
醉芳樽

宴鄭參卿山池

爾恐碧草晚我畏朱顏移愁看楊花飛置酒正相
宜歌聲送落日舞影迴清池今夕不盡杯留歡更
邀誰

下終南山過斛斯山人宿置酒

暮從碧山下山月隨人歸却顧所來徑蒼蒼橫翠
微相攜及田家童稚開荆扉綠竹入幽軒青蘿拂
行衣歡言得所憇美酒聊共揮長歌吟松風曲盡
星河稀我醉君復樂陶然其忘機

尋魯城北范居士失道落蒼耳中見范置酒

摘蒼耳作

鴈度秋色遠日靜無雲時客心不自得浩漫將何
之忽憶范野人閑園養幽姿茫然起逸興但恐行
來遲城壕失往路馬首迷荒陂不惜翠雲裘遂爲
蒼耳欺入門且一笑把臂君爲誰酒客愛秋蔬山
盤薦霜梨他筵不下筯此席忘朝饑酸棗垂北郭
寒瓜蔓東籬還傾四五酌自詠猛虎詞近作十日
歡遠爲千載期風流自簸蕩謔浪偏相宜酣來上
馬去却笑高陽池

尋高鳳石門山中元丹丘

尋幽無前期乘興不覺遠蒼崖渺難涉白石忽欲
晚未窮三四山已歷千萬轉寂寂聞猿愁行行見
雲收高松上好月空谷宜清秋路深古雪在石斷
寒泉流峯巒秀中天登眺不可盡丹丘遙相呼顧
我忽而哂遂造窮谷間始知靜者閑留歡達永夜
清曉方言還

與元丹丘方城寺談玄作

茫茫大夢中惟我獨先覺騰轉風火來假合作容
貌滅除昏疑盡領畧人精要澄慮觀此身因得通
寂照洞悟前後際始知金仙妙幸逢禪居人酌玉

坐相召彼我俱若喪雲山豈殊調清風生虛空
月見談笑怡然蓮宮永願恣遊眺

過汪氏別業二首

遊山誰可遊子明矣浮丘登嶺礙河漢連峯橫

牛汪生面北阜池館清且幽

一作涵清幽

我來感意氣

槌魚列珍羞掃石待歸月淵池漲寒流酒酣益爽
氣爲樂不知秋

疇昔未識君知君好賢才隨山起館宇鑿石營池
臺大火五月中景風從南來數枝石榴發一丈荷
花開恨不當此時相過醉金壘我行值木落月苦

清猿哀永夜達五更吳歛送瓊杯酒酣欲起舞

座歌相催日出遠海明軒車且徘徊更遊龍潭去

枕石拂莓苔

宣州白龍潭陵陽山有仙人竇子明遺跡詳後十二卷又仙人浮丘子亦

煉丹于州之黃山汪氏別業當在宣州也

之廣陵宿常二南顧幽居

綠水接柴門有如桃花源忘憂或假草蒲院羅叢
萱暝色湖上來微雨飛南軒故人宿茅宇夕鳥栖
楊園還惜詩酒別深爲江海言明朝廣陵道獨憶

此
樽

伊清谿主人

谿宿主人碧巖裏簷楹挂星斗枕席響風
西山時啾啾夜猿起

安州般若寺水閣納涼喜遇薛員外

金園賞遠近含晴光樓臺成海氣草木皆天
香忽逢青雲士共解丹霞裝水退池上熱風生松
吞討破萬象褰窺臨衆芳而我遺有漏與君

心垢都已滅永言題禪房

金陵江上遇蓬池隱者

自注時於落星石上以紫綺裘換酒爲飲

心愛名山遊身隨名山遠羅浮麻姑臺此去或未
返遇君蓬池隱就我石上飯空言不成歡強笑惜

東山自愛丘壑美青春卧空林白雲不
清襟袖石潭洗心耳羨君無紛
碧

題嵩山道人元丹丘山居 并序

在廬山元公近遊嵩山故交深情出處無
俗類許爲主人欣然適會本意當冀長
此代復舉家就之
因有此贈

道風未淪落沈懷丹丘志冲賞歸寂
來心陶荒捫涉窮禹鑿黃緣泛潮海偃蹇陟
廬霍憑雷躡天窓弄景憩霞閣且欣登眺美頗愜
隱淪諾三山曠幽期四岳聊所託故人契嵩頽高

義炳丹腹滅跡遺紛囂終言本峯壑自矜林湍好不羨
州市榮偶與真意并頓覺世情薄爾能折芳桂亦
爾爾若拙妻好乘鸞嬌女愛飛鶴提攜訪神書
錄此鍊金藥

題瓦丹山潁陽山居

并序

潁陽山於潁陽新卜別業其地北倚馬嶺連峯
南瞻鹿臺極目汝海雲巖映鬱有佳致焉
隱居之遊
此作

仙心不
水訪隱同
死君忽遺
蒼生望獨與
洪崖

地初晦跡興言且成文却願北山前
晴雨

迴汝海月不隔嵩丘雲之子合
追遊我

松石談笑逃朝暉終願狎青
名喘息餐妙氣步虛吟真聲道與古仙合心將元

題金陵王處士水亭

此亭齊朝南苑
又晉陸機故宅

王子孤玄言賢豪多在門好鵝尋道士愛竹嘯名
一以已老荒苑池光蕩華軒北堂見明月更穩隱
不願杯棧尚玉簾爲余置金樽醉罷欲歸去花枝
宿鳥喧何時復來此再得洗囂煩

題隨州紫陽先生壁

神農好長生風俗久已成復聞紫陽客早署丹臺
名喘息餐妙氣步虛吟真聲道與古仙合心將元

起以秦家子
本殊倫特
君非叔孫通與我

丙籤五十九李白之九

唐音統籤卷

一百九十九

五言古詩四

同友人舟行遊台越作

楚臣傷江楓謝客拾海月懷沙去瀟湘挂席泛溟
渤塞子訪前跡獨往造窮髮古人不可攀去若浮
雲沒願言弄倒影從此鍊真骨華頂窺絕溟蓬壺
望超忽不知青春度但怪綠芳歇空持釣鰲心從
此謝魏闕

上三峽

巫山夾青天巴水流若茲巴水忽可盡青天無到

時三朝上黃牛三暮行太遲三朝又三暮不覺
成絲

自巴東舟行經瞿塘峽登巫山最高峰晚還

題壁

江行幾千里海月十五圓始經瞿塘峽遂步巫山
巔巫山高不窮巴國盡所歷日邊攀垂蘿霞外倚
穹石飛步凌絕頂極目無纖煙却顧失丹壑仰觀
臨青天青天若可捫銀漢去安在望雲知蒼梧記
水辨瀛海周遊孤光晚歷覽幽意多積雪照空谷
悲風鳴森柯歸途行欲曛佳趣尚未歇江寒早啼

猿松暝已吐月月色何悠悠清猿響啾啾辭山不
忍聽揮策還孤舟

金陵鳳凰臺置酒

置酒延落景金陵鳳凰臺長波寫萬古心與雲俱
開借問徃昔時鳳凰爲誰來鳳凰去已久正當今
日迴明君越羲軒天老坐三台豪士無所用彈絃
醉金罍東風吹山花安可不盡杯六帝沒幽草深
官冥綠苔置酒勿復道歌鍾但相催

九日登巴陵置酒望洞庭水軍

自注時賊
逼華容縣

九日天氣清登高無秋雲造化關川嶽了然楚漢

分長風鼓橫波合沓感龍文憶昔傳遊豫樓船壯
橫汾今茲討鯨鯢旌旆何繽紛白羽落酒樽洞庭
羅三軍黃花不接手戰鼓遙相聞劍舞輝輝揚當
時日停曛酣歌激壯士可以摧奸氛齷齪東籬下
淵明不足群

夜泛洞庭尋裴侍御清酌

日晚湘水綠孤舟無端倪明湖漲秋月獨泛巴陵
西遇憩裴逸人巖居陵丹梯抱琴出深竹爲我彈
鷓鴣曲盡酒亦傾北牕醉如泥人生且行樂何必
組與珪

登邯鄲洪波臺置酒觀發兵

我把兩赤羽來遊燕趙間
天狼正可射威激無時
閑觀兵洪波臺倚劔望玉關
請纓不繫越且向燕
然山風引龍虎旗歌鍾共追攀
擊筑落高月投壺
破愁顏遙知百戰勝定掃鬼方還

秋獵孟諸夜歸置酒單父東樓觀妓

傾暉速短炬走海無停川
冀餐圓丘草欲以還顏

年抱朴子圓丘生好藥此事不可得微生若浮煙置酒以此發端可耳

干獵則未合也駁發跨名駒
雕弓控鳴弦鷹豪魯草白狐

兔多肥鮮邀遮相馳逐
遂出城東田一掃四野空

喧呼鞞馬前歸來獻所獲炮煮宜霜天出舞兩美人飄飄若雲仙留歡不知疲清曉方來旋

邯鄲南亭觀妓

歌鼓

一作妓

燕趙兒魏姝弄鳴絲粉色艷日彩

一作月彩

舞衫

一作袖

拂花枝把酒顧美人請歌邯鄲詞清箏

何繚繞度曲綠雲垂平原君安在科斗生古池座客三千人予今知有誰我輩不作樂但爲後代悲

陪族叔當塗宰遊化城寺升公清風亭

化城若化出金榜天官開疑是海上雲飛空結樓臺升公湖山秀粲然有辯才濟人不利已立俗無

嫌猜了見水中月青蓮出塵埃閑居清風亭左右
清風來當暑陰廣殿太陽爲徘徊茗酌待幽客珍
盤薦彫梅飛文何灑落萬象爲之摧季父擁鳴琴
德聲布雲雷雖遊道林室亦舉陶潛杯清樂動諸
天長松自吟哀留歡若可盡劫石乃成灰

與從姪杭州刺史良遊天竺寺

挂席凌蓬丘觀濤憩禪樓三山動逸興五馬同遊
遊天竺森在眼松風颯驚秋覽雲測變化弄水窮
清幽疊嶂隔遙海當軒寫歸流詩成傲雲月佳趣
滿吳洲

春陪商州裴使君遊石娥谿

自注時欲東歸遂有此贈

裴公有仙標拔俗數千丈澹蕩滄洲雲飄飄紫霞
想剖竹商洛間政成心已閑蕭條出世表冥寂閉
玄關我來屬芳節解榻時相悅寒帷對雲峰揚袂
指松雪暫出東城邊遂遊西巖前橫天聳翠壁噴
壑鳴紅泉尋幽殊未歇愛此春光發谿傍饒名花
石上有好月命駕歸去來露華生綠苔淹留惜將
晚復聽清猿哀清猿斷人腸遊子思故鄉明發首
東路此歡焉可忘

翫月金陵城西孫楚酒樓達曙歌吹日晚乘

醉著紫綺裘烏紗巾與酒客數人棹歌秦淮
往石頭訪崔四侍御

昨翫西城月青天垂玉鉤朝沽金陵酒歌吹孫楚
樓忽憶繡衣人乘船往石頭草裏烏紗巾倒被紫
綺裘兩岸拍手咲疑是王子猷酒客十數公崩騰
醉中流龍浪掉海客喧呼傲陽侯半道逢吳姬卷
簾出柳榆我憶君到此不知狂與羞月下見君
三杯便迴橈捨舟共連袂行上南渡橋興發歌淥
水秦客爲之謳雞鳴復相招清宴逸雲霄贈我數
百字字字凌風颺繫之衣裘上相憶每長謡

遊謝氏山亭

淪老卧江海再歡天地清病閑久寂寞歲物徒芬
榮借君西池遊聊以散我情掃雪松下去捫蘿石
道行謝公池塘上春草颯已生花枝拂人來山鳥
向我鳴田家有美酒落日與之傾醉罷弄歸月遙
欣稚子迎

金陵白楊十字巷

白楊十字巷北夾湖溝道不見吳時人空生唐年
草天地有反覆宮城盡傾倒六帝餘古丘樵蘇泣
遺老

登單父陶少府半月臺

陶公有逸興不與常人俱
築臺像半月迥出高城隅
置酒望白雲商飈起寒梧
秋山入遠海桑柘羅平蕪
水色綠且明一作清令人思鏡湖
終當過江去愛此暫踟蹰

望黃鶴樓

東望黃鶴山雄雄半空出
四面生白雲中峰倚紅日
巖巒行穹跨峰嶂亦冥密
頗聞列仙人於此學飛術
一朝向蓬海千載空石室
金竈生煙埃玉潭秘清謐
地古遺草木庭無老芝朮
蹇予羨攀躋因

欲保閑逸觀奇徧諸嶺茲嶺不可匹結心寄青松
永悟客情畢

登錦城董菴樓

日照錦城頭朝光散花樓金牕夾繡戶珠箔懸瓊
鈎飛梯綠雲中極目散我憂暮雨向三峽春江繞
雙流今來一登望如上九天遊

九日登山

淵明歸去來不與世相逐爲無杯中物遂偶本州
牧因招白衣人笑酌黃花菊我來不得意虛過重
陽時題與何俊發遂結城南期築土按響山俯臨

宛水湄胡人叫玉笛越女彈霜絲自作英王宵斯
樂不可窺赤鯉湧琴高白龜道馮夷靈仙如彷彿
奠酌遙相知古來登高人今復幾人在滄洲違宿
諾明日猶可待連山似驚波合沓出溟海揚袂揮
四座醑酊安所知齊歌送清觴起舞亂參差賓隨
落葉散帽逐秋風吹別後登此臺願言長相思

天台曉望

天台鄰四明華頂高百越門標赤城霞樓棲滄島
月憑高登遠覽直下見溟渤雲垂太鵬翻波動巨
鼇沒風湖爭洶湧神怪何翕忽觀奇跡無倪好道

心不歇攀條摘朱實服藥鍊金骨安得生羽毛千
春卧蓬闕

登峨眉山

蜀國多仙山峨眉邈難匹周流試登覽絕怪安可
悉青冥倚天開彩錯疑畫出冷然紫霞賞果得錦
囊術雲間吟瓊簫石上弄寶瑟平生有微尚歡笑
自此畢煙容如在顏塵累忽相失儻逢騎羊子攜
手凌白日

登太白峯

西上太白峯夕陽窮登攀太白與我語爲我開天

關願乘冷風去直上浮雲間舉手可近月前行若
無山一別武功去何時復見還

遊泰山六首

自注天寶元年四月
從故御道上泰山

四月上泰山石屏御道開六龍過萬壑澗谷隨縈
迴馬跡遶碧峰于今滿青苔飛流灑絕巘水急松
聲哀北眺嶠嶂奇傾崖向東摧洞門閉石扇地底
興雲雷登高望蓬瀛想像金銀臺天門一長嘯萬
里清風來玉女四五人飄飄下九壑含笑引素手
遺我流霞杯稽首再拜之自愧非仙才曠然小宇
宙棄世何悠哉

清曉騎白鹿直上天門山山際逢羽人方瞳好容
顏捫蘿欲就語却掩青雲關遺我鳥跡書飄然落
巖間其字乃上古讀之了不閑感此三息從匪
方未還

平明登日觀舉手開雲關精神四飛揚如出天地
間黃河從西來窈窕入遠山憑崖覽八極目盡長
空閑偶然值青童綠髮雙雲鬟笑我晚學仙蹉跎
凋朱顏躊躇忽不見浩蕩難追攀

清齋三千日裂素寫道經吟誦有所得衆神衛我
形雲行信長風颯若羽翼生攀崖上日觀伏檻窺

東溟海色動遠山天雞已先鳴銀臺出倒影白浪
翻長鯨安得不死藥高飛向蓬瀛

日觀東北傾兩崖夾雙石海水落眼前天光遙空
碧千峯爭攢聚萬壑絕凌歷緬彼鶴上仙去無雲
中跡長松入霄漢遠望不盈尺山花異人間五月
雪中白終當遇安期于此鍊玉液

朝飲王母池暝投天門關獨抱綠綺琴夜行青山
間山明月露白夜靜松風歇仙人遊碧峯處處笙
歌發寂聽娛清暉玉真達翠微想像鸞鳳舞飄飄
龍虎衣捫天摘匏瓜恍惚不憶歸舉手弄清淺諫

月二十日
卷一
丙
攀織女機明晨坐相失但見五雲飛

焦山望松寥山

石壁望松寥宛然在碧霄安得五彩虹架天作長
橋仙人如愛我舉手來相招

江上望皖公山

竒峰出竒雲秀水含秀氣清宴皖公山巉絕稱人
意獨遊滄江上終日淡無味但愛茲嶺高何由討
靈異默然遙相許欲往心莫遂待吾還丹成投跡
歸此地

登敬亭北
小山余時送客逢崔侍御並登

此地

送客謝亭北逢君縱酒還
扇盤戲白馬大笑上青山
迴鞭指長安西日落秦關
帝鄉三千里杳在碧雲間

與南陵常贊府遊五松山

安石泛溟渤獨嘯長風還
逸韻動海上高情出人
間靈異可並跡澹然與世
閑我來五松下置酒窮
躋攀徵古絕遺老因名五
松山五松何清幽勝境
美沃洲蕭颯鳴洞壑終年
風雨秋響入百泉去聽
如三峽流剪竹掃天花且
從傲吏遊龍堂若可憩

吾欲歸精修

觀此五松非山本名太白所名亦如名九華也宣州志山舊有松一本五

枝蒼老幹翠色奉天

遊南陽白水登石激作

朝涉白水源暫與人俗踈島嶼佳境色江天涵清
虛目送去海雲心閑遊川魚長歌落日乘月歸
田廬

遊南陽清冷泉

惜彼落日暮愛此寒泉清西輝逐流水蕩漾遊子
情空歌望雲月曲盡長松聲

春遊羅敷潭

行歌入谷口路盡無人躋攀崖度絕壑弄水尋
谿雲從石上起客到菴間迷淹留未盡興日落
峯西

安州應城玉女湯作

荊州記云有玉女
乘車投此泉因名

神女歿幽境湯池流大川陰陽結炎炭造化開靈
泉地底爍朱火沙傍歆素煙沸珠躍晴月皎鏡涵
空天氣浮蘭芳滿色漲桃花然精覽萬殊入潛行
七澤連愈疾功莫尚變盈道乃全濯纓掬清泚晞
髮弄潺湲散下楚王國分澆宋玉田可以奉巡幸
奈何隔窮偏獨隨朝宗水赴海輸微涓

羣鳳山瀑布水

西登香爐峰南見瀑布水挂流三百一作千丈噴壑

數十里欻如飛電來隱若白虹起初驚河漢落半

灑雲天裏仰觀勢轉雄壯哉造化功海風吹不斷

江月照還空劉辰翁云奇空中亂濺射左右洗青

壁飛珠散輕霞流沫沸穹石而我樂名山對之心

益閑無論漱瓊液還得洗塵顏且諧宿所好永願

辭人間韻語陽秋云徐疑瀑布白練青山一聯樂

流直下三千尺疑是銀河落九天句以余觀之銀

河九天猶涉比類未若此海風吹不斷江月照還

空壑空道出
爲可喜也

宣城青谿

青谿勝桐廬水木有佳色山貌日高古石容天傾
側彩鳥昔未名白猿初相識不見同懷人對之空
歎息

宿鰕湖

雞鳴發黃山暝投鰕湖宿白雨映寒山森森似銀
竹提攜采鉛客結荷水邊沐半夜四天開星河爛
人目明晨大樓去崗隴多屈伏當與持斧翁前谿
伐雲木

泛沔州城南郎官湖

并序

乾元歲秋八月白遷于夜郎遇故人尚書郎張謂出使夏口沔州牧杜公漢陽宰王公觴于江城之南湖樂天下之再平也方夜水月如練清光可掇張公殊有勝槩四望超然乃顧白曰此湖古來賢豪遊者非一而枉踐佳景寂寥無聞夫子可爲我標之嘉名以傳不朽白因舉酒酌水號之曰郎官湖亦猶鄭圃之有僕射陂也席上文士輔翼岑靜以爲知言乃命賦詩紀事刻石湖側將與大別山共相磨滅焉

張公多逸興共泛沔城隅當時秋月好不減武昌
都四座醉清光爲歡古來無郎官愛此水因號郎
官湖風流若未減名與此山俱

秋登巴陵望洞庭

清晨登巴陵周覽無不極明湖映天光徹底見秋

色秋色何蒼然際海俱澄鮮山青城遠樹水綠無
寒煙來帆出江中去鳥向日邊風情長沙浦霜空
雲夢田瞻光惜頽髮閱水悲徂年北渚旣蕩漾東
流自潺湲郢人唱白雪越女歌采蓮聽此更腸斷
憑崖淚如泉

金陵望漢江

漢江廻萬里派作九龍盤橫潰豁中國崔嵬飛迅
湍六帝淪亡後三吳不足觀我君混區宇垂拱衆
流安今日任公子滄浪罷釣竿

荆門浮舟望蜀江

春水月峽來浮舟望安極正是桃花流依然錦江
色江色綠且明茫茫與天平透迤巴山盡搖曳楚
雲行雪照聚沙鴈花飛出谷鶯芳洲却已轉碧樹
森森迎流目浦煙夕揚帆海月生江陵識遙火應
到渚官城

大庭庫

杜預左傳注大庭氏古國名在魯城內魯于其處作庫梓慎嘗登以望火

曰朱衛陳鄭也
數日皆來告火

朝登大庭庫雲物何蒼然莫辨陳鄭火空靈鄒魯
煙我來尋梓慎觀化入寥天古木朔氣多松風如
五絃帝圖終冥沒歎息滿山川

登廣武古戰場懷古

孟康漢書注楚漢相拒于滎陽漢于滎陽築兩

城相對名廣武城晉阮籍傳使豎子成名
觀楚漢戰處嘆曰時無英雄

秦鹿奔野草逐之若飛蓬項王氣蓋世紫電明雙
瞳呼吸八千人橫行起江東赤精斬白帝叱咤入
關中兩龍不並躍五緯與天同楚滅無英圖漢興
有成功按劍清八極歸酣歌大風伊昔臨廣武連
兵決雌雄分我一杯羹太皇乃汝翁戰爭有古跡
壁壘頽層穹猛虎嘯洞壑饑鷹鳴秋空翔雲列曉
陣殺氣赫長虹撥亂屬豪聖俗儒安可通沈酒呼
豎子狂言非至公撫掌黃河曲嗤嗤阮嗣宗

經下邳圯橋懷張子房

子房未虎嘯破產不爲家
論海得壯士椎秦博浪沙
報韓雖不成天地皆振動
潛匿遊下邳豈曰非智勇
我來圯橋上懷古欽英風
唯見碧流水曾無黃石公
歎息此人去蕭條徐泗空

望鸚鵡洲懷禰衡

魏帝營八極蟻觀一禰衡
黃祖斗筭人殺之受惡名
吳江賦鸚鵡落筆超群英
鏘鏘振金玉句句欲飛鳴
鷺鷥啄孤鳳千春傷我情
五嶽起方寸隱然詎可平
才高竟何施寡識冒天刑
至今芳洲上蘭

蕙不忍生

峴山懷古

訪古登峴首憑高眺
襄中天清遠峯出水落寒沙
空弄珠見遊女醉月

一作酒

懷山公感歎發秋興長

松鳴夜風

登金陵冶城西北謝安墩

自注此墩卽晉太傅謝安與右軍王

羲之同登超然有高世之志
余將營園其上故作是詩也

晉室昔橫潰永嘉遂南奔
沙塵何茫茫龍虎鬪朝昏
胡馬風漢草天驕威中原
哲匠感頽運雲鵬忽飛翻
組練照楚國旌旗連海門
西秦百萬衆戈甲

如雲屯投鞭可填江一掃不足論皇運有返正醜

虜無遺寇談笑遏橫流蒼生望斯存至今古城隅

一作冶城 訪古跡猶有謝安墩憑覽周地險高標絕人喧

想像東山姿緬懷右軍言梧桐識嘉樹蕙草留芳

根白鷺映春洲青龍見朝曦地古雲物在臺傾禾

黍繁我來酌清波於此樹名園功成佛衣去歸入

一作長嘯武陵源

春日陪楊江寧及諸官宴北湖感古作

丹陽郡圖

經樂遊苑晉時藥圃元嘉中築堤壅水名
為北湖顏延年有應詔觀北湖田收詩

昔聞顏光祿攀龍宴重湖樓船入天鏡帳殿開雲

衢君王歌大風如樂豐沛都延年獻佳作邈與詩
人俱我來不及此獨立鍾山孤楊宰穆清風芳聲
騰海隅英僚滿四座粲若瓊林敷鵠首弄倒影蛾
眉綴明珠新絃采梨園古舞嬌吳歛曲度繞雲漢
聽者皆歡娛雞棲何嘈嘈沿月滂笙竽古之帝宮
苑今乃人樵蘇感此勃一觴願君覆瓢壺盛時當
作樂無令後賢吁

入彭蠡經松門觀石鏡緬懷謝康樂題詩書
遊覽之志

謝公之彭蠡因此遊松門余方窺石鏡兼得窮江

源欲將繼風雅豈徒清心覓前賞逾所見後來道
空存况屬臨汎羨而無洲渚喧漾水向東去漳流
直南奔空濛三川夕廻合千里昏青桂隱遙月綠
楓鳴愁猿水碧或可采金精秘莫論吾將學仙去

冀與琴高言

又過彭蠡湖云謝公入彭蠡因此遊
松門余方窺石鏡兼得窮江源前賞

跡可見後來道空存而欲繼風雅豈唯清心覓雲
海方助興波濤何足論青嶂憶遙月綠蘿鳴愁猿
水碧或可采金精秘莫言余將振衣去
羽化出羣煩與此小有異同今附存之

秋夜板橋浦汎月獨酌懷謝朓

天上何所有迢迢白玉繩斜低建章闕耿耿對金
陵漢水舊如練霜江夜清澄長川瀉落月洲渚曉

寒凝獨酌板橋浦
古人誰可徵
玄暉難再得
醴酒氣填膺

卷終

丙籤五十九李白之十

唐音統籤卷

十一百六

五言古詩五

酬談少府

一尉居倏忽梅生有仙骨三事或可羞何奴啗千
秋壯心屈黃綬浪跡寄滄洲昨觀荆峴作如從雲
漢遊老夫當暮矣蹠足懼驂駟

五月東魯行答汶上君

五月梅始黃蠶凋桑柘空魯人重織作機杼鳴簾
櫬顧余不及仕學劍來山東舉鞭訪前途獲笑汶
上翁下愚忽壯士未足論窮通我以一箭書能取

聊城功終然不受賞羞與時人同西歸去直道落
日昏陰虹此一作去爾勿言其心如轉蓬

答長安崔少府叔封遊終南翠微寺太宗皇
帝金沙泉見寄

河伯見海若傲然誇秋水小物昧遠圖寧知通方
士多君紫霄意獨往蒼山裏地古寒雲深巖高長
風起初登翠微嶺復憩金沙泉踐苔朝霜滑弄波
夕月圓飲彼石下流結蘿宿溪煙出湖夢綠水龍
駕空茫然早行子午關却歎山路遠一作早行子
午間頗識關

路拂琴聽霜猿滅燭乃星飯人煙無明一作異鳥

道絕往返攀厓倒青天下視白日晚既遇石門隱
還聞石潭歌涉雪攀紫芳濯纓想一作清波此人
不可見此地君自過爲余謝風泉其如幽意何

訓崔五郎中

朔雲橫高天萬里起秋色壯士心
飄揚落日空歎息長嘯出原野凜然寒風生
幸遭聖明時功業猶未成柰何懷良圖鬱悒
獨愁坐杖策尋英豪立談乃知我崔公生民
秀絕逸青雲姿制作參造化託諷含神祇海嶽
尚可傾吐讎終不移是時霜飈寒逸興臨華池
起舞拂長劍四座皆揚眉因得窮懽

情贈我以新詩又結汗漫期九垓遠相待舉身憩
蓬壺濯足弄滄海從此凌倒景一去無時還朝遊
明光宮暮入閭闔關但得長把袂何必嵩丘山崔詩
有我家有別業寄在嵩之陽子若同斯遊千載不相忘之句故云

以詩代書答元丹丘

青鳥海上來今朝發何處口銜雲錦字一作書與我

忽飛去鳥去凌紫烟書留綺窓前開緘方一作時

笑乃是故人傳故人深相勗憶我勞心曲離居在

咸陽三見秦草綠置書雙袂間引領不暫閑長望

一作杳難見浮雲橫遠山

金門答蘇秀才

君還石門日朱火始改木春草如有情山中尚含
綠折芳愧遙憶永路當自勗遠見故人心平生以
此足巨海納百川麟閣多才賢獻書入金闕酌醴
奉瓊筵屢忝白雲唱恭聞黃竹篇恩光照拙薄雲
漢希騰遷銘鼎倘云遂扁舟方渺然我留在金門
君去卧丹壑未果三山期遙欣一丘樂玄珠寄象
罔赤水非寥廓願狎東海鷗共營西山藥栖巖君
寂滅處世余龍矚良辰不同賞永日應閑居鳥鳴
簷間樹花落窓下書綠溪見綠篠隔岫窺紅葉採

月
子
系
金
被行笑歌眷我情何已
月出石鏡間松鳴風琴裏
得心自虛妙外物空類
靡身世如兩忘從君老煙
水

訓坊州王司馬與聞正字對雪見贈

遊子東南來自宛適京國飄然無心雲倏忽復西
北訪戴昔未偶尋嵇此相得愁顏發新懼終宴叙
前識聞公濠庭舊況鬱富才力價重銅龍樓聲高
重門側寧期此相遇華館陪遊息積雪明遠峯寒
城一作涿一作鎖 春色主人蒼生望假我青雲翼風水如
見資投竿佐皇極

誦張卿夜宿南陵見贈

月出魯城東，明如天上雪。
魯女驚莎鷄，鳴機應秋節。
當君相思夜，火落金風高。
河漢掛戶牖，欲濟無輕舫。
我昔辭林丘，雲龍忽相見。
客星動太微，朝去洛陽殿。
爾來得茂彥，七葉仕漢餘。
身爲下邳客，家有圮橋書。
傳說未夢時，終當起巖野。
萬古騎辰星，光輝照天下。
與君各未遇，長策委蒿萊。
寶刀隱玉匣，繡澀空莓苔。
遂令世上愚，輕我土與灰。
一朝攀龍去，鼉臞安在哉。
故山定有酒，與爾傾金罍。

誦岑勛見尋就元丹丘對酒相待以詩見招

黃鶴東南來寄書寫心曲倚松開其緘憶我腸斷
續不以千里遙命駕來相招中逢元丹丘登嶺宴
碧霄對酒忽思我長嘯臨清飈寒子未相知茫茫
綠雲垂俄然素書及解此長渴饑策馬望山月途
窮造階墀喜茲一會面若覩瓊树枝憶君我遠來
我歡方速至開顏酌美酒樂極忽成醉我情既不
淺君意方亦深相知兩相得一顧輕千金且向山
客笑與君論素心

答從弟幼成過西園見贈

一身自瀟灑萬物何囂喧拙薄謝明時棲閑歸故

園二季過舊壑四鄰馳華軒衣劍照松宇賓徒光
石門山童薦珍果野老開芳樽上陳漁樵事下叙
農圃言昨來荷花滿今見蘭苕繁一笑復一歌不
知夕景昏醉罷同所樂此情難具論

酬王補闕翼惠莊廟宋丞泚贈別

學道三十春自言羲和人軒蓋宛若夢雲松長相
親偶將二公合復與三山鄰喜結海上契自爲天
外賓鸞翻我先鍛龍性君莫駟朴散不向古時訛
皆失真勿踏荒谿坡塌來浩然津薜帶何辭楚桃
源堪避秦世迫且離別心在期隱淪酬贈非烟戒

永言銘佩紳

謝裴侍御對雨感時見贈

雨色秋來寒風嚴清江爽孤高繡衣人瀟灑青霞
賞平生多感激忠義非外獎禍連積怨生事及徂
川徃楚邦有壯士鄙郢翻掃蕩申包哭秦庭泣血
將安仰鞭屍辱已及堂上羅宿莽頗似今之人蠹
賊一作賊陷忠謙渺然一水隔何由稅歸鞅日夕聽
猿愁懷賢盈夢想

答裴侍御先行至石頭驛以書見招期月滿

泛洞庭

君至石頭驛寄書黃鶴樓開緘識遠意速此南行
舟風水無定準湍波成滯留憶昨新月生西簷若
瓊鈎今來何所似破鏡懸清秋恨不三五明平湖
泛澄流此歡竟莫遂枉一作殺王子猷巴陵定近
遠持贈解人憂

荅高山人兼呈權顧二侯

虹霓掩天光哲后起康濟應運生夔龍開元掃氛
翳太微廓金鏡端拱清遐裔輕塵集嵩嶽虛黠盛
明意謬揮紫泥詔獻納青雲際讒惑英主心恩疎
佞臣計彷徨庭闕下歎息光陰逝未作仲宣詩先

流賈生涕挂帆秋江上不爲雲羅制山海向東傾
百川無盡勢我於鴟夷子相去千餘歲運濶英達
稀同風遥執袂登艫望遠水忽見滄浪樵高士何
處來虛舟渺安繫衣貌本淳古文章多佳麗延引
故鄉人風義未淪替顧侯達語默權子識通蔽會
是無心雲俱爲此留滯雙萍易飄轉獨鶴思凌厲
明晨去瀟湘共謁蒼梧帝

至陵陽山登天柱石訓韓侍御見招隱黃山
韓衆騎白鹿西往華山中玉女千餘人相隨在雲
空見我傳秘訣精誠與天通何意到陵陽遊目送

飛鴻天子昔避狄與君亦乘驄擁兵五陵下長策
馭胡戎時泰解繡衣脫身若飛蓬鸞鳳翮羽翼啄
粟坐樊籠海鶴一笑之恩歸向遼東黃山過石柱
巖磳上攢叢因巢翠玉樹忽見浮丘公又引王子
喬吹笙舞松風朗誦紫霞篇請開藥珠宮步綢繆
碧落倚樹招青童何日可攜手遺形入無窮

訓崔十五見招

隔有鳥跡書相招琴路飲手跡尺素中如天落雲
錦讀罷向空笑疑君在茂前長吟字不滅懷袖且

三年

卷終